

**Talamdan  
sa Mga Mensahe alang sa Full-time Training  
sa Fall Term sa 2024**

-----  
**LINANGKOB NGA HISGOTANAN:  
ANG MAHINUNGدانONG MGA PUNTO SA KAMATUORAN SA MGA SULAT NI PABLO—  
GALACIA**

Mensahe 1

**Ang Daotang Panahon Karon**

Basahong Kasulatan: Gal. 1:3-4, 11-16

- I. Ang hisgotanan sa basahon sa Galacia mao ang pagluwas sa nasimang nga mga magtutuo gikan sa daotang relihiyosong panahon—1:3-5:**
- A. Nagpasabot ang panahon sa usa ka bahin kun aspeto sa kasamtangan o modernong panagway sa kalibotan nga sistema ni Satanas, nga gigamit niya sa pag-ilog ug pag-okupar sa katawhan sa Dios ug pagpalayo kanila sa Dios ug sa Iyang tuyo—Efe. 2:2; 1 Juan 2:14-15.
  - B. Matod pa sa unod sa Galacia, nagpasabot ang daotang panahon karon sa relihiyosong kalibotan, sa relihiyosong dagan sa kalibotan, nga girepresentahan sa Judiohanong relihiyon, nga nahimo nang pormal sa letra, makapatay sa pagpalong sa Espiritu, nagpatay sa pagkontakay sa tawo ug sa Dios diha sa kinabuhi, ug nakigbisog sa ebanghelyo ni Cristo sa pamatigayon sa Dios sa Bag-ong Tugon—6:14-15; 1:6-16; 2 Cor. 3:6; Fil. 3:2-3.
  - C. Ang tuyo sa paghatag ni Cristo sa Iyang Kaugalingon alang sa atong mga sala pagluwas, paglangkat, man kanato gikan sa daotang panahon karon; pagpagawas kini sa piniling katawhan sa Dios gikan sa pagbaton sa kasugoan (Gal. 3:23), pagpagula sa toril (Juan 10:1, 3, 9-11, 15-16; Sal. 23:1), uyon sa kabubut-on sa Dios (itandi sa 1 Tim. 1:3-4):
    1. Matod pa sa pinadayag sa tipolohiya sa Awit sa Mga Awit, gidala ni Cristo ang mahigugmaong nagtinguha Niya nganha sa iyang espiritu, ug diha sa iyang espiritu sa pagpakig-ambitay niya Kaniya nadawat niya ang pinadayag kon unsaon nga makabiya siya sa dapit diin gipalayo siya sa iglesia aron mosunod sa mga tunob sa panon—1:4b-8.
    2. Ang panon mao ang iglesia diin gipasibsib, giatiman, ug gipakaon ni Cristo ang Iyang mga balaan—Juan 10:16; Buh. 20:28; 1 Ped. 5:2.
    3. Nangita sa Ginoo ang nagtinguha Niya alang sa kaugalingon niyang katagbawan, apan ang gitagad sa Ginoo alang sa mga makasasalang giluwat Niya dili lang ang katagbawan nila kondili ang walay kataposang pamatigayon sa Dios; ang pamatigayon sa Dios pagluwas man sa mga makasasala aron mabatonan ang mga iglesia aron ang pagkamao ning mga iglesiaha mahimong organicong Lawas ni Cristo nga mag-una sa kahingpitan sa Bag-ong Jerusalem—Rom. 5:10; Bug. 1:11-12; Efe. 1:22-23; Bug. 19:7-9; 21:2.
- II. Dag-on gyod nato ang daotang panahon karon sa nadaot nga ka-Cristianohan karon lakip na ang sistema sa Judaismo sa pagkupot nato sa pagtulon-an sa mga apostol (ang pamatigayon sa Dios sa Bag-ong Tugon) pinaagi sa malangkobon-sa-tanan nga Espiritung taghatag-og-kinabuhi—Buh. 2:42; 1 Tim. 1:3-5:**
- A. Gipasidan-an sa Filipos 3:2 ang mga magtutuo kalabot sa mga Maghuhudyo—“Magbantay mo sa mga iro, magbantay mo sa daotang mga magbubuhat, magbantay mo sa konsisyon”; sa kinaiya hugaw nga mga iro ang mga Maghuhudyo, sa paggawi daotang mga magbubuhat sila, ug sa relihiyon sila ang konsisyon, mga tawong makauulaw.
  - B. Giisip ni Pablo ang mga Maghuhudyo nga “mining mga igsoon” (2 Cor. 11:26), nga nagtuis sa ebanghelyo ni Cristo sa pagpayuhot nilag sulod sa iglesia sa mga tulumanon sa kasugoan ug nagsamoksamok sa tinuod nga mga igsoon diha ni Cristo (Gal. 2:4; 1:7; itandi sa Buh. 15:1, 19-21).
  - C. Gihatagag gibug-aton sa mga Maghuhudyo ang kasugoan hangtod nga nahimo kining puli ni Cristo ug nakapasimang sa katawhan sa Dios gikan ni Cristo; ang paggamit sa unod sa pagbuhat og maayo segun sa kasugoan mao ang sentrong hunahuna sa mga Maghuhudyo.

- D. Dunay duha ka matang sa mga tawo kalabot sa kasugoan: girepresentahan sa mga Maghuhudyo ang mga tigtuman-sa-letra, ug girepresentahan ni Pablo ang mga nagtinguha-sa-Dios—2 Cor. 3:6; Sal. 119:2, 55, 58, 129-133:
  - 1. Gituman na sa kamatayon ni Cristo ang tanang gipangayo sa kasugoan, ug pinaagi sa Iyang kamatayon gipagula Niya ang Iyang kinabuhi aron ikapaambit kini kanato sa Iyang pagkabanhaw aron ipahigawas ta gikan sa pagkaulipon sa kasugoan—Juan 12:24; Gal. 2:21; 3:13.
  - 2. “Gilamat” sa mga Maghuhudyo ang mga magtutuo sa pagpasimang kanila gikan ni Cristo ug sa krus; si Cristo ang sentro sa pamatigayon sa Dios, ug ang krus maoy sentro sa pagbuhat sa Dios aron matuman ang Iyang pamatigayon—v. 1.
- E. Nahangawa si Pablo nga gilimbongan ang mga taga-Corinto, nga gisaad niya nga ipaasawa ni Cristo, ug gipasimang sa mga pagtulon-an sa mga Maghuhudyo, nga magbulag nila sa tinuod nga pagtamod, paghigugma, ug pagpahimulos sa bililhong persona ni Ginoong Jesucristo nga ilang kinabuhi ug tanan—2 Cor. 11:2-3.
- F. Nagtagad sa dayag nga panagway ang mga Maghuhudyo, dili sa realidad sa sulod; apan gihatagag gibugaton ni Pablo nga ang mahinungdanon mao ang pagkamao nato sa sulod ug dili sa gawas—“Dili siya Judio nga Judio sa gawas ra; o sirkunsisyon ba kanang sa gawas ra diha sa unod. Apan Judio siya nga Judio sa sulod; ug ang sirkunsisyon iya sa kasingkasing, diha sa espiritu, dili sa letra, ug ang iyang pagdayeg dili gikan sa mga tawo, kondili gikan sa Dios”—Rom. 2:28-29.
- G. Si Cristo nga kaliwat ni Abraham aron man mapanalanginan ang tanang panimalay sa yuta; isip kataposang Adam, nahimong Espiritung taghatag-og-kinabuhi ang bugtong kaliwat ni Abraham—Gen. 12:2-3, 7; 17:7-8; Gal. 3:14, 16, 29; 1 Cor. 15:45b; Juan 12:24.
- H. Ang nabanhawng Cristo nga Espiritung taghatag-og-kinabuhi mao ang nausab-ang-dagway nga kaliwat ni Abraham nga gipaambit kanato aron himoon tang mga anak ni Abraham, ang hiniusang kaliwat ni Abraham, nga makadawat ug makapanunod sa nahingpit nga Espiritu nga panalangin ni Abraham—Gal. 3:7, 14; 4:28.

**III. Naglakip ang Israel sa Dios, ang tinuod nga Israel (6:16), sa tanang Gentil ug Judiohanong mga magtutuo ni Cristo, nga mao ang tinuod nga mga anak ni Abraham (3:7, 29); nagtimaan “ang mga bituon sa mga langit” sa langitnong mga kaliwat ni Abraham, ug nagtimaan “ang balas nga naa sa baybayon” sa yutan-ong mga kaliwat niya (Gen. 22:17):**

- A. Ang gisaad sa Dios ni Abraham mao nga “Panalanginan Ko ang magpanalangin nimo, / Ug tunglohon Ko ang motunglo nimo” (12:3); sukad sa paglaglag ni Nabucudonosor sa syudad sa Jerusalem hangtod karon, tanang nasod, katawhan, kaliwat, o tagsatagsa ka tawo nga nitunglo sa mga Judio natinunglo gyod, ug bisan kinsang nagpanalangin sa mga Judio napanalanginan gyod (itandi sa Isa. 5:20).
- B. Labi tang magdayeg sa Ginoong alang sa Iyang katawhan ug mamulong og maayo kalabot nila diha sa pagtuo, labi sab natong gibutang ang atong kaugalingon diha sa pagpanalangin sa Dios; mapanalanginan ang mga positibong mamulong kalabot sa iglesia; matinunglo ang mga negatibong mamulong—Num. 24:9; 23:11.

**IV. Sa sulat sa Ginoong sa iglesia sa Esmirna, niingon Siya nga, “Nasayod Ko...sa pagdaot niadtong niingon nga mga Judio sila apan dili diay”; ang mga Judiong gihisgotan dinhi wala magpasabot sa mga Judio sa kalibotan kondili sa mga Maghuhudyo sa iglesia; gihisgotan ni Pablo kining mga tawhana ingon nga mining mga apostol, limbongan nga mga magbubuhay, ug mga ministro ni Satanas—Bug. 2:9; 2 Cor. 11:13-15:**

- A. Dunay yutan-ong mga saad ug yutan-ong mga panalangin ang Judaismo, ug sa nadaot nga ka-Cristianohan dunay ebanghelyong nagsaad og maayong panglawas, kadato, ug kauswagan; apan sa bag-ong tugon duna tay malangkobon-sa-tanan nga Espiritu nga kinatibuk-an sa dili matugkad nga kadato ni Cristo nga bugtong-talagsaong panalangin nato aron magpanalangin ta sa uban nga mosangpot sa iglesia nga kahupnganan sa Dios—Gen. 12:2; Gal. 3:14; Efe. 3:8; 1:3; Luc. 12:21; Bug. 2:9; 2 Cor. 6:10; Efe. 3:19b.
- B. Dunay nasulat nga kasugoan ang Judaismo, ug sa nadaot nga ka-Cristianohan dunay dayag nga mga balaod ug mga lagda alang sa adlaw-adlawng pagkinabuhi; apan sa bag-ong tugon gibutang sa Dios ang Iyang balaod, ang balaod sa kinabuhi, sa mga bahin nato sa sulod ug gisulat kini sa atong kasingkasing—Jer. 31:33; Rom. 8:2; Heb. 8:10.

- C. Dunay mga sacerdoteng tigpataliwala ang Judaismo, ug sa nadaot nga ka-Cristianohan dunay sistema sa klerigo ug kasagarang mga magtutuo; apan sa bag-ong tugon mga sacerdote ang tanang magtutuo aron mahimong balaan ug harianong kahugpongan sa mga sacerdote isip naglihok nga mga bahin sa Lawas ni Cristo—Bug. 1:5b-6; 2:6; 1 Ped. 2:5, 9.
- D. Dunay materyal nga templo ang Judaismo, ug sa nadaot nga ka-Cristianohan dunay hunahuna nga piskal nga dapit ang iglesia, “simbahan” man ngani; apan sa bag-ong tugon ang templo espirituhanong balay, puluy-anan sa Dios diha sa espiritu—Efe. 2:21-22:
  1. Sa Judaismo duha ka managlahing butang ang mga magsisimba ug ang simbahan, apan sa bag-ong tugon ang simbahan mao ang magsisimba—Juan 4:23-24.
  2. Ang balay sa Amahan, nga gihulagwayan sa templo, diosnon ug tawhanong panagtagik sa nahikay ug nahingpit nga Dios nga naumol sa tinubos, gipanganak pag-usab, ug gitranspormang mga pinili Niya—14:2, 20, 23; 1 Tim. 3:15; Bug. 21:3, 22.
- E. Nagpakita ang tanang puntong nahisgotan na nga ang nadaot nga ka-Cristianohan, nga dunay prinsipyo sa Babilonia, na-Judaismo na, nagsagol sa pamatigayon sa Dios sa Bag-ong Tugon sa karaan na nga pamatigayon sa Daang Tugon, nagsagol sa mga butang sa tawo sa Pulong sa Dios, ug nagsagol sa mga butang sa unod sa mga butang sa Espiritu—Buh. 21:20-21; Bug. 17:3-5.

**V. Batok sa relihiyon sa tawo ang Anak sa Dios—Gal. 1:11-16; 1 Tim. 1:3-5:**

- A. Tinguha sa kasingkasing sa Dios nga ipadayag ang Iyang Anak kanato aron makaila ta Niya, modawat Niya nga atong kinabuhi (Juan 17:3; 3:16), ug mahimo tang mga anak sa Dios (1:12; Gal. 4:5-6).
- B. Ang kinasentrohang punto sa Biblia dili man ang mga batasan, mga doktrina, o kabalaoran—ang buhing Persona kini sa Anak sa Dios, nga pagkalawas sa Tulo-usang Dios nga naamgoan isip Espiritung malangkobon-sa-tanan diha sa atong espiritu aron makapahimulos ta Niya, makaambit sa Iyang kadato, ug ikinabuhi Siya—1 Cor. 15:45b; 2 Cor. 3:17; Fil. 1:19; Gal. 6:18:
  1. Sa panan-aw sa Dios walay luna alang sa relihiyon o tradisyon—ang buhing Persona ra sa Iyang Anak ang dunay luna; kining buhing Persona ray gitagad sa Dios, dili ang bisan unsang laing butang—Col. 1:18b; 2:16-17; 3:10b-11; Mar. 9:7-8.
  2. Kon wala kining buhing persona nga realidad ug sulod sa iglesihanong kinabuhi, bisan ang iglesihanong kinabuhi mahimo mang tradisyon; ang iglesia mao ang Lawas ning personaha, ang kahupnangan Niya, ang praktikal ug buhing pagpadayag Niya—Efe. 1:22-23; 3:8-11, 16-19.
- C. Si Cristo ang bag-ong bino nato nga isulod sa preskong mga sudlanang panit; ang Griyegong pulong alang sa *bag-o* nagpasabot og “bag-o sa panahon, karon lang, bag-ong napanag-iya”—Mat. 9:17; itandi sa Ezeq. 36:26; Rom. 6:4; 7:6; 2 Cor. 5:17:
  1. Ang bag-ong bino nagtimaan ni Cristo nga mao ang bag-o, naglipay nga kinabuhi nga dunay naglipay nga kusog nga naglig-on nato, nagpalagsik nato, ug naglipay pag-ayo nato—Huk. 9:12-13.
  2. Mga daang sudlanang panit ang tanang relihiyon; mobusisi sa mga sudlanang panit ang bag-ong bino nga isulod sa daang sudlanang panit tungod sa kusog sa pag-aslom niini; ang pagsulod og bag-ong bino sa daang sudlanang panit pagbutang man ni Cristo nga kinabuhing makapaukyab ngadto sa bisan unsang matang nga relihiyon—Mat. 9:14-15.
  3. Ang pagkarelihiyoso nagpasabot og pagsimba sa Dios, pag-alagad sa Dios, ug pagbuhat og mga butang aron magpahimuot sa Dios apan bulag ni Cristo nga Espiritu ug walay Cristo nga Espiritu—itandi sa Ga. 1:14-16a.
- D. Ang preskong mga sudlanang panit nagtimaan sa iglesihanong kinabuhi diha sa mga iglesia lokal isip sudlanan sa bag-ong bino, nga mao si Cristo mismo nga kinabuhi sa sulod nga makapaukyab; ang Griyegong pulong alang sa *presko* nagpasabot og “bag-o sa kinaiya, kalidad, o porma; wala mabatasan, wala magamit.”
- E. Magsinati ug magpahimulos gyod ta ni Cristo nga bag-ong bino aron mapuno ug maumolan ta Niya ug magpadayag Niya nga bag-ong sudlanang panit, nga mao ang iglesia nga Lawas ni Cristo nga maghingpit sa Bag-ong Jerusalem nga kinataposang tumong sa Dios.